

Met Flip-Flops em Schnie

Musik & Text Björn Heuser / Verlag: HEUSERMUSIK, GMO Publishing

Am elfte Daach em November han ich dich kennejeliert.

Als Indianer häs do mich verführt.

Sickdem es kein Sekund verjange, die mer nit zesamme verbrat,
Mer sin zesamme, sick 43 Daach.

Un hück am hellige Ovend, frog ich dich, ob do mich wells,
mer muss em Levve och jet riskiere, am Eng es alles nur e Spell.

**Un die Kääze brenne, se jlänze en dinge Auge,
Ich lür dich ahn, kann mingem Jlöck kaum trae.
Do un ich, dat es et - ich ben mer sicher wie noch nie,
Kumm mer danze, Kumm mer danze,
Met Flip-Flops em Schnie**

Et Fess dr Liebe, dat nemm ich wödlich, han nit mieh dran jejläuv.

Wor mer sicher, mich trifft et nie.

Ich künnt dich fresse, komplett verschlinge, ich ston völlig nevven mir,
Ne Draum weed wor, nit nur Phantasie.

Frohe Weihnacht un ich liebe dich, well ohne dich nit sin,
bes ahn't Eng vun der Welt un wigger, ich weiß dat krijj'mer hin!